

古尊宿語錄卷第四十七

士士

僧錄司右國教養鍾山靈巖禪寺住持淨戒重校

汾陽昭禪師法嗣

瑯琊廣照禪師諱慧覺西洛人也

示衆

云主賓互換坐斷乾坤料簡雙施誰人舉目
釋迦聖主示滅雙林達磨大師真歸熊耳琅

士士

邪門下還有具眼衲僧真正道流麼若無應
病與藥診候臨時 示衆云汝等諸人在我
這裏過夏與你點出五般病一不得向萬里
無寸草處去二不得孤峯獨宿三不得張弓
架箭四不得物外安身五不得滯於生殺何
故一處有滯自救難爲五處若通方名導師

永樂北藏

古尊宿語錄

汝等諸人若到諸方遇明眼作家與我通箇
消息貴得祖風不墜若是常徒即須寢息何
故髣髴形國內諱服飾想君太殺不知時
師上堂有僧出打一圓相師便打云道道僧
云不道不道師又打僧云三世諸佛不出於
此師又打乃云大衆教中道以手指比丘犯
波逸提山僧今日入地獄如箭射
師一日上堂舉汾陽先師道汾陽門下有西
河師子當門據坐但有來者即便咬煞作何
方便入得汾陽門見得汾陽人瑯琊者裏也
有玃子瑯琊有據坐師子若有來者即自喪
身失命作何方便入得瑯琊門得見瑯琊人

第一九八冊

此兩轉語汝等諸人還點檢得出也無若點檢得出方名擇法眼若不如是且無安身立命處卓拄杖一下便下座 上堂云彼我無差色心不二還拈拄杖云你若喚作拄杖子有眼如盲若不喚作拄杖子還同避溺而後火你若脫體會去但知喚作拄杖子卓拄杖一下便下座 上堂舉釋尊道若見諸相非相即見如來遂拈拄杖云山僧喚者箇作拄杖子阿那箇是相良久云向下文長付在來日以拄杖卓一下便下座 上堂拈起拄杖云山僧有時一棒諸佛降生有時一棒轉大法輪有時一棒入般涅槃你且道諸

佛降生轉大法輪入般涅槃相去多少良久云莫謗如來正法輪珍重 小叅有僧問放過一著滿目光生把斷要津萬木凋斃學人上來請師垂示師云老僧退後學云放過忽由和尚去也師云闍黎進前三步學云不入虎口爭見虎牙師云十字路頭望空啟告又僧問十年磨一劍霜刃未曾試時如何師云本分作家學家便喝師云老僧失利學云恰是師乃呵呵而笑而乃舉先梁山云南來者與三十棒北來者與三十棒然雖如是不當宗乘師云梁山好一片真金將作頑鐵賣却琅玕即不然南來者與三十棒北來者與

三十棒從教天下袖僧賤駁珍重

上堂云夫學般若若菩薩湏得智觀現前方有少分相應所以先聖道當觀過去猶夢故不可而得當觀未來猶電故不可而定當觀現在猶雲故髣髴而有且學道般若菩薩當如何觀不用思量低頭難得卓拄杖便下座

師因巡寮次舉布袋和尚九在市鄆中以破帛裹一片乾糞見人便相呈云梵率陀天底梵率陀天底遂令學衆下語竟有云云師末後下語云慈氏菩薩又舉布袋和尚九見人以手背上便拍一下人緣廻首云與我一文錢遂令學徒下語師末後云但拋一文錢與

伊 上堂舉汾陽先師云夫學般若若菩薩

須參活句莫參死句如今人便道函蓋乾坤是活句截斷衆流是死句渭麼會莫辜負他汾陽也無衆中有一般禪客商量道如何是活句今日好天晴如何是死句萬里涯州若渭麼會學到驢年也即是死句山僧與你一

三

三

時注破了也作麼生是活句遂卓拄杖便打上堂云夫衆學之人直湏真慧現前鑒照無差不見道差之毫釐失之千里才有異見名爲異道所以異道有二種見因緣自然以斯爲執故方成於異所謂因而無始緣而無終又先聖道諸法不自生亦不從他生不共不

無因是故說無生山僧雖然與麼道你且不得與麼會若與麼會入地獄如箭射珍重上堂舉僧問馬大師如何是佛大師云即心是佛如何是道云無心是道云佛與道相去多少大師云佛如展手道似握拳師云古人方便即不可山僧者裏也有些子若無人買山僧自賣自買去也如何是佛巖前多瑞草如何是道澗下足靈苗佛與道相去多少數片白雲籠古寺一條綠水繞青山珍重師因小衆僧問言前薦得辜負平生句下承當又成狂見未審和尚如何爲人師云橫拈日月豎括乾坤僧云真學人師師云本分

衲僧其僧便喝師默坐僧云了師笑云不能打得你師乃舉僧問汾陽先師切急相投時如何汾陽云水中抱鶩子又問急切相投時如何汾陽云裸形見阿難師云有一轉語截斷天下人舌頭有一轉語能開人眼目你若揀得出與你一條拄杖擲下拄杖便下座上堂舉三聖老人去衆德山緣相見便展坐具德山云不用展不用展者裏無殘羹餽飯三聖云設有向什麼處著德山不語三聖將取坐具衆堂去衆中商量極有云云不見道若無樂布作爭得見韓光珍重上堂云諸人者未出僧堂時聖僧已相爲了也未到

佛殿上重說偈言來至法堂上三通鼓罷一炷香焚便好散去何故不見安養國中水鳥樹林悉皆念佛知足天上樹相撐觸演說苦空山僧與麼道爲是歷良爲賤爲當是據理而論若不甘者但請對衆出來山僧與你證據若也無去蓑衣箬笠從偏側收取絲綸歸

士七

四

去來珍重 上堂云有句無句如藤倚樹樹倒藤枯恰好喫捧你且道過在什麼處良久云不是僧繇手徒說會丹青以拄杖卓一下便下座 上堂云與麼來者上問安排不與麼來者下問掛搭向上人來獨自悽悽暗渡江更有一人向什麼處著良久云釣竿

斫盡重栽竹不計工程得便休珍重 陞座僧問承師有言與麼來者上問安排不與麼來者下問掛搭忽不與麼來者又作麼生師云今日遇著衲僧其僧便喝師云厨前喫餅師乃云先聖道明暗交謝寒暑迭遷有物流動人之常情又放光云法無去來無動轉故若然者旋嵐偃岳日月厯天江河競注野馬飄鼓而無流動若如是諦觀且道條然一句作麼生道良久云石火夜燒山大地齊合掌环重 上堂舉祖師道真性心地藏無頭亦無尾應緣而利物方便呼為智師云既是方便呼為智且道畢竟喚作什麼良久云任

從滄海變終不與君通珍重 上堂云世
學三昧迦葉不知迦葉三昧阿難不知阿難
三昧商那和脩不知吾有三昧汝亦不知師
云爲什麼不知不是不知理合如斯若人會
得南北東西若不如是更擬何之卓柱杖一
下 上堂云你等諸人但自隨緣飲啄任

主

五

性浮沉在聖而不增處凡而非減若能如是
方乃皇風蕩蕩觸處閑閑乃云道也太煞道
了更須子細始得珍重 上堂舉先聖云若
也廣尋文義猶如鏡裏求形更乃息念觀空
喻似日中逃影諸禪德不涉二途作麼生道
良久云看看便是春風至冰釋魚行鳥亂飛

珍重 上堂舉汾陽先師頌云三玄三要事
難分得盲忘言道易親一句分明該萬象重
陽九日菊花新師乃喝一喝云是第幾玄良
父云你也沒量罪過我也沒量罪過卓柱杖
便下座 上堂云君臣道合猶是法身邊事
君不見君臣不見臣猶是法身上事向上
向下轉使心地不安且作麼生是法身良久
云任是僧繇手難畫志公真珍重 上堂云
若論此事說什麼龍樹馬鳴提婆鵝子辨似
懸河智如流水莫能知之摩竭掩室衆手難
淘淨名默然如何即是百丈卷席諸方云云
祖師面壁叢林浩浩到者裏若辨得出山僧

與你一條拄杖若辨不出山僧有通方句且道你麼生是通方句良久云手携隻履西天去珍重 上堂舉先聖道有物先天地無形本寂寥能爲萬象主不逐四時凋師云好箇頌却成兩撥若有人點檢得出許你具一隻眼珍重 上堂云若欲求佛即心是佛若欲求道無心是道無心故非法而不生即心故歷劫而常堅若然者法法無差心心不斷所以古德道君但隨緣得似風飛砂走石不乖空但於事上通無事見色聞聲不用聲珍重上堂云春風颯颯古佛嘉猷渌水潺潺道人活計若與麼會豎向崖州本色衲僧如何理

論良久云果聞須叫斷腸声珍重 上堂舉世尊云一切衆生妄認四大爲自身相六塵緣影爲自心相且問諸仁者在眼曰見在耳曰聞在鼻嗅香在舌知味在手執提在足運奔亦不喚你衆生亦不喚作佛性你且道喚作什麼良久云香嚴含悲接拄杖仰山撲破上 馮山鏡珍重 上堂云承言須會宗勿自立規矩若人下得通方句我當刎頸而謝之珍重 上堂舉雪峯云若論此事如一面鏡相似胡來胡現漢來漢現有僧云忽遇明鏡來時如何雪峯云胡漢俱隱師云不見道驗人端的處下口即知音珍重 上堂云山

僧因看華嚴金師子章第九由心迴轉善成
門又釋云如一尺之鏡納重重之影像若然
者道有也得道無也得道非亦得道是亦得
雖然如是更須知有拄杖頭上一竅若也不
會拄杖子穿燈籠入佛殿撞著釋迦磕倒弥
勒露柱拊掌呵呵大咲你且道笑箇什麼以
拄杖卓一下便下座 上堂舉先德道吾
早年来積學問亦曾討疏尋經論分別名相
不知休入海算沙徒自困却被如来苦呵責
數他珍寶有何益且問諸人作麼生是自家
珍寶若也不會拄杖子叫屈去也卓一下
上堂云江月照松風吹永夜清宵何所爲

水澗中流不住白雲片片嶺頭飛珠重
上堂云先德道今古應無墜分明在目前片
雲生晚谷孤鶴下邊天岸柳含煙綠溪花帶
雨鮮誰人知此意令我憶南泉師云你且道
南泉意作麼生良久云兩眼已隨青嶂合雙
眉猶帶野花驪珠重 上堂舉傳大士云
未有無心境曾無無境心境忘心自滅心滅
境無侵師遂拈起拄杖云山僧喚者箇你拄
杖子你等諸人喚作什麼作境你若道得山
僧有通方句若道不得與你七百錢珍重
上堂云若論此事直饒似懸河智如流水
且與那事沒交涉昔有僧問風穴大師如何

是道大師云五鳳樓前如何是道中人大師
云問取城隍使道與道中人相去多少大師
云月似羅中鏡星如霧裏燈師云衆中商量
極有云云山僧今日與你領出月似羅中鏡
星如霧裏燈滿堂清淨衆尽是坐禪僧珍重
便下座 上堂云如釋尊言應如是知如

是見如是信解不生法相師遂拈起拄杖云
山僧喚者箇作拄杖子何者是法相卓拄杖
下座 上堂云山僧常向諸人道擬心即
差動念即錯不擬不錯一任你諸人取剥你
且道取剥什麼處良久云想君不是金牙作
爭解彎弓射蔚遲 上堂舉僧問曹山雪

覆千山爲什麼孤峯獨露曹山云須知有異
中異進云如何是異中異曹山云不覆千山
頂師云曹山慈悲濃厚接引群生要會即不
可山僧者裏不然如何是異中異片片梅花
飛落地珍重 上堂拈起拄杖云山僧有
時一棒作箇慢天綱打俊鷹俊鷄有時一棒
作箇布絲網撈蝦拖蜆有時一棒作金毛師
子有時一棒作蝦蟇蟻蚋山僧打你諸人一
棒且作麼生商量你若緇素得出不妨拄杖
頭上眼開照四天下若也未然杖教立在古
屏畔待使丹青入畫圖珍重 上堂舉魯
祖九見僧來便面壁而坐衆中商量極有多

殷梁山受業先師曾有一頌魯祖三昧最省力
力才見僧來便面壁若是同心達道者不在
揚眉便相悉山僧即不然祖師面壁插諸方
無限禪人謾度量無事晚來江上立數株寒
栢倚斜陽珍重

師舉行脚時在眾中與
一尊宿談論次因舉僧問長沙和尚南泉遷

十一

化向什麼處去長沙云東家作驢西家作馬
僧云畢竟如何長沙云要騎即騎要下即下
其尊宿遂問師云莫是對他語否師云無莫
是成他問否師云無莫是點他語否師云無
畢竟如何師云磬聲斷後不許易價因成一
頌示眾云要騎即騎要下即下磬聲斷後不

許易價

師上堂拈起拄杖示眾云先佛

世尊道觀法性空是無上智山僧喚者箇作
拄杖子汝諸人作麼生觀有智不假年高無
智徒勞百歲卓拄杖下座
上堂示眾云
古人道有時先照後用有時先用後照有時
照用同時有時照用不同時若也先照後用

露師子之爪牙若也先用後照縱象王之威
猛若也照用同時如龍得水致雨騰雲若也
照用不同時提獎嬌兒拊憐愛子諸仁者此
古德建立法門為合如是不合如是若合如
是以紀信登九龍之輦不合如是若項羽失
十里烏騅還有人罵琅琊出氣也無如無山

僧自道去也卓拄杖下座 上堂云夫叅
學人須是不滯於性相始得若談於性即滯
於相若談於相即滯於性者裏須是性相都
泯理事混融方解即事即理即性即相當此
之時如拳十指展縮自由乃拈起拄杖云拄
杖走入新羅高麗國中大醉報道今年米貴
地神惡發生嗔拄杖即今入地便擲下拄杖
下座 僧問大事未辦時如何師云金燈連
夜照不覺五更鍾進云大事已辦時如何師
云跣足踏水雪方知徹骨寒問談真即逆俗
順俗即違真離此二途請師舉唱師云水底
石牛吼木裏瑞花開進云若然者不因觀北

斗爭得見南星師云世乱奴欺主年衰鬼弄
人放汝三十棒遶舉大陽和尚示衆云平常
無生句妙玄無私句體明無盡句後有僧請
益如何是平常無生句白雲覆青山青山頂
不露如何是妙玄無私句寶殿無人不侍立
不種梧桐免鳳來如何是體明無盡句手指
空時天地轉迴途石馬出紗籠第一句道得
師子嘯呻第二句道得師子踞地第三句道
得師子返躑躅也周過十方擒也坐在一處
正當與麼時作麼生委息若委息不得來朝
更向楚王看便下座 上堂云山僧昨日
因禪人請益郢州大陽和尚三句語山僧昔

曾奉侍巾瓶來今日不可不報答他大陽和尚去也山僧亦有三句語如何是平常無生句言前無的言句後絕追尋如何是妙玄無私句金鳳不棲無影樹玉兔何曾下碧霄如何是體明無尽句三冬枯木秀九夏雪花紅將此三轉語供養大陽和尚雖然如是又不

可辜負我汾陽先師去也山僧亦有三轉語供養我汾陽先師如何是平常無生句啐如何是妙玄無私句咏如何是體明無盡句好師乃頌云啐咏好林間問三老不食王母桃自有仙家棗便下座 上堂舉一老宿道林際入門便喝也是齋後打鍾德山入門便棒也是平地陷人諸人者便道是幸然無事向好肉上剗瘡杖條上強生節目似這般見解更買三二十鞭草鞋始得有一股老宿云臨濟入門便喝德山入門便棒到者裏凡聖路絕纖毫不立坐斷天下人舌頭汝若擬議喪身失命似這般見解滴水也難消所以先師道德山棒臨際喝獨震乾坤橫該抹瑯琊即不然臨濟入門便喝且不得薦心德山入門便棒更須子細且道教汝諸人子細箇什麼云停因長智養病喪軀以拄杖卓一下上堂拈起拄杖云十方諸佛降生也在拄杖頭上轉大法輪也在拄杖頭上入般涅槃也

在拄杖頭上汝等諸人作麼生委悉良久云
不可待緣木求魚見危致命卓拄杖下座
上堂云夫叅學者須是智眼開明始得今時
諸尊宿纔見豎拂敲床揚眉瞬目便作是非
褒貶不見汾陽先師道識得拄杖子一生叅
學事畢又泐潭澄和尚道識得拄杖子入地
獄如箭射聽取山僧一頌 汾陽拄杖子天
下走禪流秋風急似箭春雨潤如油便下座
僧問昔日靈山以桴擊鼓轉大法輪今日師
登法座請師演唱師云白雲暮暮進云大眾
臨筵如何證據師云淥水潺潺進云淮甸一
輪月長江萬里清師云罕遇知音僧問如何

是瑯琊境師云山高海濶進云如何是境中
人師云天長地久進云人境已蒙師指示向
上宗乘事若何師云速禮三拜僧問談真即
逆俗順俗即違真如何得不相違去師云杖
頭挑日月進云施主臨筵請師再垂方便師
云袖裏貯乾坤進云野花連地發春草偏園
生師云釣人江上立不覺失漁舟十一 師乃云
只麼地散去亦有少分相應雖然有少分相
應有似鈍鳥棲於枯枝游魚處於涸轍作麼
生是透脫一句卓拄杖下座 僧問承師有
言開口錯擬心差離此二途請師別道師云
蘇武不入單于帳進云與麼則今日失利去

也師云旁觀塞草乱班班進云早知今日事
悔不慎當初師云愁人莫向愁人說師因
出州看陳轉運喫茶次乃問師云佛法惣不
在思量是否師云既不在思量如何道得運
使大笑云爭到者裏道不得師云請運使問
待山僧道運使遂將前問問師師荅云有過
者且恕十三無罪者莫決八棒運使呵呵大
笑乃就師乞頌師遂與頌云莫於言上覓切
忌意中尋疾縫過風旨思量海岳沉師歸山
墜座舉似大眾頌後續兩句云祇陀親捨樹
長者布黃金師因雪上堂云雪雪大地山
河一齊說文殊普賢真妙訣拈取拄杖驀頭

擊豐干林下笑呵呵兩箇猢猻探水月
僧問一法若有毘盧墮在九夫萬法若無普
賢失其境界正當與麼時還許文殊出頭來
也無師云樓頭吹笛角妄聽五更鍾進云聲
人未曉乞師再指師云未到長城不肯休誰
云不入洪波裏爭見弄潮人師云草上斑斑
衆者看師乃舉靈樹和尚欲豎行狀碑要
選一轉語上碑如契和尚意者可以問如何
是祖師西來意人人下語皆不契雲門爲首
座下語云師方乃契得靈樹師頌云師師師
知知知三三兩兩過遼西一雙紅不換消梨
上堂拈起拄杖云盤山道向上一路師云滑

南院道舜立千仞師云險林際道石火電光
師云鈍瓊瑯有定乾坤底句各各高著眼高
著眼卓拄杖下座 僧問承教有言法不在
內不在外不在中間未審在什麼處師云逢
人莫錯舉進云還許學人請益也無師云啼
得血流無用處其僧禮拜師云猶較些子問

十一

十二

九夏賞勞誰人得薦師云周秦漢魏進云與
廢則昨夜一聲鴈西風萬里秋師云靜處薩
婆訶 師乃拈起拄杖云在天則清在地則
濁在人則神在物則靈且道在山僧手裏喚
作什麼良久云拄杖子 上堂舉仰山和
尚見雪師子遂問雲門還有過得此色者麼

雲門遂推倒著雪竇拈云雲門只會推倒不
會扶起即今問汝諸人推倒扶起相去多少
拄杖子拶過眉毛鼻孔裏呵呵大笑便擲下
拄杖 僧問雪峯三度上投予九度上洞山
為什麼却去德山倒戈却却甲師云人平不語
水平不流進云石火電光人不顧隨機設化

有誰聞師云地無三寸土人無隔宿恩進云
霜後始知松栢操事難方見丈夫心師云江
南兩浙水 師乃云見苦斷集取捨難忘
獨契真常悲心未廣三祇五位滞在長塗一
念成佛心源未曉諸人者若也薦得去如金
麟透網游泳波瀾似俊鳥離籠翔翔落諸

人者若能如是方有少分相應若也未然且
莫雲居羅漢 僧問古人借問田中事挿錄
叉手意如何師云袈裟淨淥水螺髻拂青雲
進云不入洪波裏爭見弄潮人師云作麼生
是弄潮人其僧便喝師云七槌對十三問古
人道承言者喪滯句者迷離此二途如何即

十一

十二

是師云逢人莫舉僧應喏師云作什麼僧便
喝師云好箇衲僧拊掌便禮拜師云不消
多 師乃舉先聖道法尔不尔俱爲唇齒汝
等諸人作麼生會若會得開眼屎床若也不
會遠之遠矣便下座師遂持此語遍問諸禪
者云汝作麼生會衆皆下語不契末後有僧

云請和尚下語師便起歸方丈 僧問古人
道問無橫豎荅者由師擬伸一問師意如何
師云你試問看進云劒閣路雖險夜行人更
多師云想君不是金牙作進云與麼則爲衆
竭力禍出私門師云教休不肯休 師乃云
諸方尽道拈提豎拂瞬目揚眉曲爲中下之

泥山僧即不然山僧拈起者拄杖子也不爲
上上之人亦不爲中下之者且道尋常用處
作麼生若知得一竅方解穿窬透牖動地搖
天若也未然且向天台看華頂却來南岳度
石橋便下座 上堂舉先聖道見身無實
足佛見了心如幻是佛了了得身心本性空

斯人與佛何殊別者箇是拄杖子阿那箇是
佛良久云一時吹取入門來 上堂云千
說萬說不如一決諸人者且道決箇什麼良
久云點鐵化為金玉勸人除却是非難歸
堂去 上堂舉永嘉和尚道但得本莫愁
末如淨琉璃含寶月透拈起拄杖云若箇是
拄杖子阿那箇是本云任是深山更深處也
應無計避王徭珍重 上堂舉清平有僧
問如何是有漏答云汝籬如何是無漏答云
木杓師云古人與麼道實謂奇特山僧為你
諸人頌出 有漏汝籬無漏木杓。烜赫禪和。
妄生卜度。靈利座主。何處摸捺。金牙解使神

錡李廣箭穿雙鵠歸去 上堂云東漢西
沒蓋是尋常南北縱橫未為極則透皮徹骨
則不問汝鼻孔遶天一句作麼生道良久云
堪美一堂無事客卧雲深處不朝天。珍重
上堂云拄杖若是頭上安頭拄杖不是斬頭
覓活離此二途猶是無依滯鬼透脫一路猶
是著肉汗衫汝等諸人各具金剛眼睛到者
裏作麼生會若也不會拄杖子透過渤海看
看卓拄杖一下 上堂云盡大地是箇餬
餅從他江南兩浙河北關西咬者咬嚼者嚼
膝腫禪和被山僧擗頭打一棒走入露柱裏
藏身且道露柱裏明得什麼邊事若也不會

拄杖子爲汝念箇揭諦真言以拄杖卓一下
上堂拈起拄杖云永嘉道心是根法是塵兩
種猶如鏡上痕痕垢尽除光始現心法雙忘
性即真者箇是拄杖子阿那箇是心卓拄杖
一下 上堂云依經解義三世佛冤離經
一字又同魔說且作麼生得不傷物義去汝

等諸人聽山僧一頌 地凍草枯水寒氷結
借問禪人是何時節林際走過新羅德山愁
眉不悅珍重 上堂舉先梁山云從南來
者與二十棒從北來者與二十棒雖然如此
且不當宗乘師遂拈拄杖云點與不點等盡
末爲微塵卓拄杖一下 上堂舉先聖道

森羅及萬象一法之所印盡大地是一條拄
杖汝等諸人作麼生會卓拄杖一下便下座
上堂舉虎溪庵主僧問在者裏多少年主云
只見春生夏長年代惣不記得僧云大好不
記得庵主云你道我在者裏多少年僧云春
生夏長庵主云開市裏虎師云聽取山僧一

十一

十五

頌 開市中心虎能歌不解舞命值木星君
不遇羅睺土便下座 上堂舉先聖道綽
有是非紛然失心到者裏還有商量也無云
心鹿者失欺敵者亡珍重 僧問今夜鍾鳴
時道人盡來此向上宗乘請師舉唱師云我
到者裏惣開口不得學云退身三步去也師

云言不虛設學云今日失利師云放你三十
拜問拈提豎拂即不問瞬目揚眉事若何師
云趙州曾見南泉來進云學人未曉乞師再
垂指示師云今冬多雨雪貧家爭柰何進云
百花皆竟拚冬後一陽春師云真師子兒善
師子吼 師乃舉先韶陽大師道咄咄咄

力韋希禪子訝中眉垂諸高德韶陽只有先
鋒且無殿後山僧者裏即不然咄咄咄橫該
抹天不長片地不闊弥重 僧問久欽尊德
今日功明時如何師云山高日出早進云與
麼則白馬敲金鐙朝天萬里歸師云親面龍
顏一句作麼生道學云一片月生海幾家人

上接師云在舍只言爲客易臨岐方覺告人
難 師乃云過去諸佛已般涅槃好與三十
棒見在諸佛轉大法輪好與三十棒未來諸
佛當出於世好與二十棒諸高德若要報佛
之深恩當如是學學則後諸人不得辜負老
僧珍重 上堂云先聖道在有破有居室

破空二幻既除中道不立若然者山僧拄杖
向什麼處著魚躍已隨流水去鶯啼猶送落
花來珍重 上堂云拈起拄杖作靠山猛
虎放下拄杖如入水蛟龍靠山猛虎作麼生
商量入水蛟龍如何話會若也不知者一竅
拄杖子笑汝去也卓拄杖一下便下座

上堂云若論此事如洪鍾待扣聲應長空如
寶鏡當軒影臨萬象天不能蓋地不能載賢
愚共處其間聖凡出之不得山僧與麼道大
有人笑去在他也笑我也笑誰人知此竅三
十年更笑去在珍重 僧問一塵緣起大地
全收一塵未起時如何師云李廣射落雲中

鴈進云龍吟霧起虎嘯風生也師云驚得胡
兒走似煙問開口即錯動舌即乖如何是的
師云摩竭陀國金剛怒學云離咽喉唇吻又
作麼生道師云驗人端的處下口即知音進
云與麼則野花開滿地流水自西東師云者
迴放過後度難逢卓拄杖一下師云拈起拄

杖千花競發放下拄杖萬樹齊凋不拈不放
一月在天祐僧當此之時作麼生道良久云
秋燕不聞梁上語却看鴻鴈過長天珍重
上堂云擊水魚頭痛穿林宿鳥驚黃昏不擊
鼓日午打三更諸禪德既是日午爲甚却打
三更良久云昨見垂楊綠今逢落葉黃珍重

上堂示衆云色即是空非色滅空我喚者箇
作拄杖子你等諸人喚作什麼乃云欲知瀚
海路須是去來人珍重 上堂云句中薦
得遊子返於故鄉意中薦得方解事於尊堂
若然者須是轉身吐氣始得若能如是方解
百尺竿頭進步句中無意意中無句既能如

是且作麼生轉身吐氣若也不會拄杖子爲
汝吐氣去也卓拄杖下座 上堂示衆云
拈起拄杖更無上上放下拄杖是何模樣
體峯後即不問汝諸人馬鑑裏藏身一句作
麼生道若道不得拄杖子道去也卓一下便
下方丈 上堂示衆舉先聖道說法不有

十七

十七

亦不無山僧不可欺賢罔聖埋沒諸人去也
何以如此也是湖南人賣麤便下座
上堂舉先百丈禪師示衆云百丈有三訣喫
茶珍重歇直下若承當知君猶未徹 師拈
云百丈與麼道美則美矣善則善矣雖然如
是即有順水之波且無滔天之浪山僧即不

然瑯琊有三訣淥水青山月三冬枯木花九
夏寒巖雪珍重 僧問把斷綱宗則不問通
風一句請師宣師云清風戛地紅燄亘天學
云若然者撒手卧長空攢眉却迴去師云真
師子兒善師子吼學家便喝師卓拄杖一下
學云和尚著忙作什麼師呵呵 僧問昔日
憂闍王刻像蓋爲佛在忉利天說法今日施
主刻像未審佛在什麼處說法師云三山鏤
夜月進云大衆側聆學人未曉師云照破萬
家門進云恁麼則日出乾坤耀雲收山岳青
師云驗人端的處進云早知燈是火師云直
待雨淋頭 師乃舉先聖道至道無難唯難

揀擇下面注云但莫憎愛洞然明白師云汝
諸人到者裏作麼生下得一轉語契古人良
久云汝也不着便我也不着便兩箇饒餅一
斗好麪歸堂去 僧問古人對拄杖子爲
什麼哭蒼天師云蓬頭跣足進云蒼天蒼天
師云瞎漢放你二十棒學云喏喏師云棺木
裏腫眼僧問無言無說猶辱宗風舉唱談玄
埋沒宗旨離此二途請師別道師云千年田
八百主進云將謂胡鬚赤更有赤鬚胡師云
試對衆驗看僧禮拜師云將謂南番舶主元
來此土商人師乃云內空故無眼耳鼻舌身
意外空故無色聲香味觸法不是無何故不

見石頭大師道然於一一法依根葉分布歸
堂去 僧問客路如天達侯門似海深琅琊
門下如何進道師云六六三十六進云學人
未曉乞師再垂方便師云卧雲深處不朝天
進云恁麼則雲收山嶽靜春暖百花榮師云
靜處薩婆訶 問承教有言諸法從本來當
自寂滅相學人見山是山見水是水時如何
師云賊是十一小人智過君子進云莫言侵早起
更有夜行人師云此迴放過後度難逢卓柱
杖一下師乃云上不在天下不在地中不在
人若然者四生六道承何恩力汝且道著力
一句如何道得若道不得拄杖子與弥勒經

迦闍打去也卓拄杖一下

拈古 舉外道問佛不問有言不問無言

世尊據坐外道云世尊大慈大悲開我迷雲令我得入外道去後阿難白佛外道見何道理讚嘆而去世尊云如世良馬見鞭影而行師拈云依稀似曲絕堪聽又被風吹別調中

仰山夜夢入五百聖堂爲第二座時有一尊者起來白槌云次當第二座說法仰山遂起白槌云摩訶衍法離四句絕百非謹白其五百聖衆各各散去師拈云且道五百聖衆散去是肯他仰山不肯他仰山若肯他仰山又辜負仰山若不肯仰山猶如平地上契交山

僧今日不惜兩莖眉毛與汝諸人注破摩訶衍法離四句絕百非你若舉似諸方諸方若與麼會入地獄如箭射 舉趙州一日與文遠論義闢劣不闢勝勝者輸果子文遠云請和尚立義州云我是一頭驢文遠云某甲是驢糞趙州云將菓子來師拈云趙州大似

主

上

蕭何制律文遠也似蕭何制律 舉僧問

如何是夾山境夾山云猿抱子歸青嶂外鳥銜花落碧岩前法眼云我二十年作境話會師拈云且道如今作麼生會良久云上士游山水中人坐竹林 舉崔禪上堂云出來打出來打時有僧出來云崔禪擲崔禪擲下

拄杖下座師拈云久經行陣者終不展旗鎗
舉臨濟示衆云但有問訊不虧欠伊惣識得
伊來處與麼來者恰似失却不與麼來無繩
自縛一切時中莫亂斟酌會與不會都來是
錯分明與道一任天下人貶剝 師拈云作
麼生貶作麼生剝良久云垂鈎四海爲釣驪
龍格外玄談蓋尋知已喝一喝 舉順德
問僧窓外什麼聲僧云雨滴聲順德云衆生
顛倒迷已逐物師拈云得即得大似平地上
陷人 舉鼓山示衆鼓山門下不得咳嗽
時有僧出來咳嗽一聲鼓山云作什麼僧云
傷寒山云傷寒即得師拈云雷聲甚大雨點

全無 舉寶壽初開堂日三聖爲請主便
推出一僧問話其僧終禮拜寶壽便打三聖
云若與麼爲人已後瞎却鎮州一城人眼在
寶壽擲下拄杖便歸方丈師拈云不是三聖
爭到今日然雖如是錯會者多 舉岩頭
問德山云是凡是聖德山便唱岩頭禮拜後
洞山聞云若不是巖公大難承當巖頭云洞
山老人錯下名言我當時一手擡一手搥師
拈云巖頭無人問著不妨奇特才被洞山腦
後一錘直得瓦解冰消 舉興化道此一
炷香擬欲承嗣三聖三聖與我太孤擬欲承
嗣大覺大覺與我大賒此一炷香不如承嗣

臨濟先師師拈云且道因甚承嗣臨濟良久云路逢劍客須呈劍不是詩人莫獻詩

舉僧問疎山如何是法身疎山云枯椿僧云如何是法身向上事山云非枯椿僧云法身還遍一切處也無山云遍僧云淨鉢內還有也無山云無僧云大好遍山便打又僧問曹

士十一

二十

山云滿月彎弓時如何師云善射不中的學云爲什麼不中的師云左來左中右來右中學云大好不中的師便打又僧問雲居明鏡官臺如何師云不鑒照學云爲什麼不鑒照師云胡來胡現漢來漢現學云大好不鑒照師便打師拈云一轉語賓家有道理主家

無道理一轉語主家有道理賓家無道理一轉語賓主俱無道理若也揀得出鼻孔在瑯琊手裏若也揀不出一任草鞋裏蹉跎

舉僧問洞山初和尚如何是道山云卓學云擬向如何山云失卓後僧持此語問徹和尚未審洞山意旨如何徹云虎鬬龍傷師拈

云金烏藏海岸玉兔離青霄

舉百丈一

日墮堂大眾集定以往杖一時趣下法堂却召大眾大眾回首乃云月似彎弓少雨多風師拈云若入洪波裏須是弄潮人

舉雲門云釋迦老子初生下時目顧四方一手指天一手指地道天上天下唯吾獨尊我

當時若見一棒打殺與狗喫却圖得天下太平師拈云將此身心奉塵刹是即名為報佛恩 舉曹山云莫行心處路不掛本來衣何須更與麼切忌未生時師拈云不傷物義一句作麼生道良久云庭前翠竹樺人拄嶺上青松野客栽 舉閑樺師示眾云不生

十一

廿

想念本來無體大用現前不說時節後臨遷化時問侍者云坐去者誰侍者云僧伽又云立去者誰侍者云僧會閑樺乃周行七步垂手而終師拈云生既如是死亦如然 舉趙州行脚時到一鄉院經旬日臨去乃辭院主院主云何往趙州云臺山禮拜文殊去

院主云某甲有頌相送云何處青山不道場遙須策杖禮清涼雲中縱有金毛現正眼觀時非吉祥趙州乃問作麼生是正眼院主無語師拈云啼得血流無用處 舉米倉與寶壽同赴州主齋次州主令客司傳語請二人長老談論佛法寶壽云請師兄長老荅話米倉便喝寶壽云未曾奉問唱箇什麼米倉云猶欠少在寶壽却與一喝師拈云大似點火夜行 舉臨濟上堂云赤肉團上有一無位真人常從汝等面門出入未證據者看時有僧出問如何是無位真人臨濟下樺床拈拄其僧按議濟乃托開云無位真人是什麼

乾屎橛便歸方丈師拈云臨濟可謂冰凌上
度過九鞠劔刃上拾得全身 舉百丈開
田次問黃蘗運開黎開田不易蘗云衆僧作
紛百丈云有煩道用蘗云爭敢辭勞百丈云
開得多少田也蘗乃將鋤頭築地三下百丈
便喝黃蘗掩耳便出 師拈云百丈一喝可
謂垂然於萬丈潭中黃蘗掩耳獨聳於千峯
之上 舉雲居上堂云譬如人將三十貫
錢買得一隻獵狗只解尋得有蹤跡忽遇羶
羊挂角時莫道蹤跡氣息也覓不著時有僧
出便問羶羊挂角時如何雲居云六六三十
六僧無語雲居云會麼僧云不會居云不見

道絕蹤跡師拈云雲居與麼稱提大似八尺
布衫丈二袖 舉趙州到茱萸處執杖子
於法堂上從東邊過西邊茱萸便問作什麼
州云探水茱萸云我者裏一滴也無探箇什
麼趙州靠了杖子便出去師拈云世亂欺
主年衰鬼弄人 舉僧問藥山平田淺草
塵鹿成群如何射得塵中主山云看箭僧便
作倒勢山云拖出者死屍著僧蹣跚便出山
云捏泥丸漢有什麼限 師拈云賊出關
門家中叫屈 舉乳峯上堂云舉一不得
舉二放過一著落在第二雲門在座下出來
云昨日一人新到從天台來却往南岳去也

軋峯下座搥住云維那來日不得普請便托
開歸方丈師拈云路遙知馬力歲久見人心
舉趙州問俗行者勸僧云我有十貫錢若有
人下得一轉語即捨此錢前後有人下語並
不契趙州遂往行者家行者云若下得一轉
語即捨其錢趙州戴笠子便行師拈云武帝

求仙不得仙王喬端坐却昇天 舉巖頭

為渡子時凡見人來舉棹示之忽有一婆子
抱一孩子來問云呈撓舞棹即不問且道婆
手小孩兒甚麼處得來豈頭便打婆云婆生七
子不遇知音只者一箇也不消得便拋向水
中師拈云欺敵者亡 舉百丈見趙州來

參百丈云甚處來州云南泉來丈云南泉近
日有何言句示徒州云今時人直教悄然去
百丈云悄然且致忙然一句作麼生道州近
前三步百丈咄之州作縮頭勢百丈云大好
悄然趙州拂袖便出去師拈云趙州老人向
師子窟中換得牙爪 舉小乘毗沙論有

主

主

一聚落毒龍所居時有五百尊者往彼降他
不得後有一尊者彈指一下其龍即降師拈
云若據教乘自有科判琅琊者裏即不然只
者彈指也不消得然雖如是且莫因魚止滌
病烏棲蘆 舉仰山參嵩頭岩頭終見豎
起拂子仰山便履坐具嵩頭放下拂子仰山

牧坐具崑頭云我不重你放即重你收師拈云崑頭與麼道錯批判者多仰山出去切不可得底心 舉黃蘗見僧來乃云諸方老宿盡在我拄杖頭上僧便禮拜僧後到大樹處舉前話大樹云黃蘗與麼道曾夢見諸方也未其僧却回舉似黃蘗黃蘗云我者話已行遍天下師拈云大樹與麼道大似有眼如盲黃蘗一條拄杖天下人咬嚼不碎 舉臨濟上堂有僧出禮拜濟便喝僧云老和尚莫探頭好濟云你道落在什麼處僧便喝又僧問如何是佛法大意濟便喝僧禮拜濟云你道好喝也無僧云草賊大敗濟云過在什麼處

僧云弄犯不容臨濟乃云要會臨濟賓主句請問取適來問話二禪客師拈云真金湏入火 舉金剛經云一切有爲法如夢幻泡影如露亦如電應作如是觀師拈云先聖可謂誠實之言然雖如是錯會者如麻似粟 舉僧問石霜咫尺之間爲什麼不觀師顏霜云我適界不曾藏僧又到雪峯處問云遍界不曾藏意旨如何峯云什麼處不是石霜師拈云雪峯雖有利人之心且無出人之眼石霜雖有出人之眼未知向上一竅 舉淨名經云諸菩薩各各說不二法門於是文殊曰如我意者於一切法無言無說無示無識離諸

問答是爲入不二法門於是文殊師利問維摩詰我等各自說已仁者當說何法是菩薩不二法門維摩默然文殊讚言善哉善哉乃至無有文字語言是爲真入不二法門師拈云文殊與麼讚嘆也是杓卜聽虛聲維摩默然切不得鑽龜打瓦 舉圓明云痿病不

十一

孟

假駝藥三角云瘡病須假駝藥師拈云圓明可謂小慈妨於大慈三角貪他一斗米失却半年糧 舉僧問同安如何是向去底人安云寒蟬抱枯木哭盡不回頭又問如何是却來底人安云火裏蘆花秀逢春恰似秋又問如何是不來不去底人安云石羊遇石

虎相逢早晚休師拈云古人雖解箭穿鴻鴈要且不解透樹射狼 舉僧問白兆師唱誰家曲宗風嗣阿誰師云自小不曾歷他家門戶僧云與麼則竺乾的子白兆兒孫師云承言者喪滯句者迷師拈云巧人須得巧人佐拙人須得拙人扶 舉僧問風穴寶塔元無縫金門即日開時如何穴云智積佐來空合掌天王棒出不知音如何是塔中人萎花風掃去香水雨飄來師拈云風穴若無後語大似紀信詐降 舉大般若經云善現問舍利弗云以何爲佛眼舍利答云以性空爲佛眼善現嘆云善哉善哉從上諸佛皆以性空爲

佛眼從佛口生從法化生師拈云望天不見
天觀地不見地 舉教中道清淨本然云何
忽生山河大地 師拈云清淨本然云何忽
生山河大地 舉肇法師云旋嵐偃岳而常
靜江河競注而不流野馬颺鼓而不動日月
歷天而不周師拈云肇法師與麼道也是平

十五

十五

地上陷人山僧者裏即不然當前渌水嶺上
白雲 舉無著到五臺文殊處喫茶次文殊
提起琥珀盞子問云南方還有這箇麼無着
云無文殊云尋常將什麼喫茶無着便休去
師拈云若也是去可謂虎口裏奪食若也非
去移舟看水勢舉棹別波瀾 舉石霜在溪

山會下作米頭一日篩米次瀉山云施主物
不要拋撒石霜云不拋撒瀉山於地上拈得
一粒米云汝道不拋撒者個是什麼石霜無
語瀉山云莫欺者一粒百千粒盡從者一粒
生石霜云百千粒從者一粒生未審者一粒
從什麼處生瀉山呵呵大笑便歸方丈至晚

上堂云大衆米裏有虫師拈云瀉山一粒米
彈破袖僧牙 舉僧問寶壽萬境來侵時如
何寶壽云莫管他僧禮拜壽云莫動着動着
即打折你驢腰師拈云若無遣蛇手悞殺世
間人 舉泰首座到洞山處洞山晚間排果
子管顧他洞山便問云首座有一物上拄天

下柱地黑如漆常在動用中動用中收不得
且道過在什麼處首座云過在動用中洞山
喚侍者收却果子床不得果子喫師拈云若
不是洞山老人焉能辨得雖然如此洞山老
人猶欠一著在舉水潦叅馬大師問如何
是祖師西來意被馬大師一踏踏倒起來拍
手呵呵大笑當下大悟便承嗣馬大師住後
有僧問如何是祖師西來意水潦云自從馬
師一踏後直至如今笑不休師拈云大眾你
道水潦還曾悟也未舉龐居士問馬大師
不昧本來身請師高着眼馬大師直下覷居
士云一等沒絃琴唯師彈得妙馬大師直上

看居士便禮拜馬大師便歸方丈居士隨後
入方丈內云弄巧得拙師拈云一夜作竊不
覺天曉舉南院見僧來豎起拂子僧云敗
闕南院放下拂子僧云猶有者箇在南院便
休師拈云狂狗趁塊師子咬人舉南泉示
衆云道非物外物外非道時有趙州出來便
問如何是物外道南泉便打趙州接住拄杖
云和尚莫打某甲已後錯打人去在南泉云
罷蛇易辯袖子難謾乃擲下拄杖便歸方丈
師拈云不見道酒逢知己飲詩向會人吟
舉順德問僧近離什麼處僧云三峯德云夏
在什麼處僧云五峯德云放你三十棒僧云

十一

十六

未審某甲過在什麼處德云爲你出一藁林
入一藁林師拈云割菜鑊子 舉僧問廣德
如何是佛德云登戟門開見陞仙僧馳此語
至州中悟空處便問登戟門開見陞仙意旨
如何空云直饒親見釋迦來智者咸云不是
佛 廣德後聞遙望城中禮拜云悟空古佛
豈止羊二十口師拈云廣德腦後添釘悟空
眼中拔楔雖然善順機宜敢保他家未徹

古尊宿語錄卷第四十七

士士

三

華

世

永樂北藏

古尊宿語錄

第一九八冊